

Zeitschrift: Nebelspalter : das Humor- und Satire-Magazin
Band: 91 (1965)
Heft: 16

Rubrik: Elsa von Grindelstein : Ranger 9

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 16.03.2025

ETH-Bibliothek Zürich, E-Periodica, <https://www.e-periodica.ch>



Um Hirsch si Mainig



Miar tüand alli rächta Buaba laid. Alli dia Buaba, wo vu demm Joor aa nümma sääga wärdand: Wenn ii groß bin, so wärdi Lokhamatiivfährar! Und warum wend üüsari Buaba nümma Lokhiführar wärda? Ganz aifach, wells noch demm Joor in dar Schwizz khai Lokhi mee gee wird. Dia Schwiz-zarisch Bundasbaan will nemmli iarni letschta füüfaviarzig Lokhamatiiva uusranschiara. Bis jetz hätt ma wenigstans uff da grooßa Baahöf no ai odar zwai Lokhi gsähha umanandar schtoo. Untar Tampf no, als letschti Resärva bej Schroomuntarbrüch. Au als Ranschiarlokhamatiiva sinds no pruecht worda. Abar jetz wärdands ärsetzt durr Diisel- odar elehtrische Lökhali - wemma denna überhaupt no Lökhali sääga tarf. Wie mengmool bini ufam Khuurar Baahof dunna gschtanda, nitt mägam Betriib, nu mäga dar Lokhi.

Reedar, gröößer als i sälbar gsii bin, varnickhlati Schtanga vu ainam Raad zum andara, dar Tampfknessal mit am Khemmi und da Dööm inara Hööhhi dooba, daß dar Khopf wackhar ins Gnicks häsch müassa legga, zum Uffagsähha. Und denn zschönschta! Dar Fährarschtand mit siina khliina, runda Fenschtar vornanussa. Wenn Glückh khaa häsch, so häsch khönnu zualuaga, wie dar Haizar d Oofatüura offgmacht hätt und - überflackharat vu da Flamma - Khoola mit Schwung ins Fäär iina gschleudarat hätt. A schwääri und gäär khai aifahhi Aarbat! Khurz vor dar Apfaart isch denn dar Lokhamatiivfährar khoo, maischtans im Mantal und Huat, mitam glatta Lokhiführarkhöffarli in dar Hand. Mitam säbba isch är dIisalaitara zum Fährarschtand uffa khräsmat, hätt apglait und isch uufmärkhsam vor dInstrument häära gschtanda. Mengmool isch är au widar aabakhlätarat, mit dar Öölkhannta und Putzfäada in da Hend. Zringalum isch är denn um siini Maschinna umma gloffa, hätt ggöolat und pützlait und denn ischas langsam Zitt gsii zum Apfaara. Dar Baahofvoorschtand hätt pfiffa (schpöötär gwunkha). Dar Fährar hätt ama Heeбал zooga, an uufvarschamta Pfiff isch aswoo uss dar Lokhi ussakhoo, und denn hätt sii pf, pf, pf aagfangan aazüühha. Dar Lokhiführar isch im Sittafenschtar gleent und hätt Fröüd khaa, wenn miar Buaba imm zuagwunkha hend.

Jetz müassand üüsari Buaba ins Varkheersmuseum ga Luzärn goo, wenna a Lokhi gsähha wend. Abar was isch schu a Lokhamatiiv ooni Tampf.

4711 4711 4711 4711 4711 4711 4711 4711

FRISCOdent
ZAHN-CREME

— echte biologische Mundpflege
vorbeugend gegen
Karies und Parodontose
Originaltube Fr. 3.40


4711 4711 4711 4711 4711 4711 4711 4711



Elsa von Grindelstein

Ranger 9

Man staunt jetzt weidlich über die Rakete die einen Film vom Krater Alphons drehte, beim heutigen Stand der Weltraumwissenschaft erscheint mir dies nur halb so wunderbar, verblüffend aber find ich daß des Menschen Geist erforschen konnte daß der Krater Alphons heißt.



« Können Sie nicht warten, bis Sie an der Reihe sind?! »

Feuer breitet sich nicht aus,
hast Du **MINIMAX** im Haus!